



# ЧАННАЦУКУ

«ЗВЕЗДА»

13 апрель 2018ш

ножмар

№ 15(6597)

Багъа 2 кьуруш

Газета буклаккиссар  
1951-ку шинал  
ноябрьдания шинмай

Учредитель: Ккуллал районналул администрация  
Кулинская районная администрация

## Районналул больницалул коллективрачла

Районалий ца яла хьунмур коллективир ттавасса коллектив хьанай бур районналул больницалул зузалтрал коллектив,

Апрелланул 4-нний ва коллективрал зузалтра шалсса хьунаакъаву хьун ни районналул баклчинал буржру биттур буллалисса Ш.Р. Рамазанов. Цала ихти латраву клици лавгунни хьуна бакъаврил яла хьунмур мурад-цала янин ккакъаву шиккусса тагьар, вичли дишаву барт бигьин аьркинсса хьхьичл бав цлусса масъалартах, Къа шайшала хьин аву тлайлану дурсса диагнозрая хьар шайсса кунна, шиккусса масъаларташчал клул хьув кун, ми биттур бувансса чарану ляхьин бигъассар, увкуна ялагу Ш.Р. Рамазановлул,

Больницалул тагьар дания ихтилат буллалисса хлакин Аь Кьубатаевлул клици бувна, дарщущу- дарккусса гьавалул тагьар дурсса члумал больницалул хлаятраву чларысса кьар кьи хьанай хьанай душиву, кьулайну хьуншиву хлаят



равух асфалт бакьинсса шартлру хьун дуварча,

Хьхьичлсса шиннардий районалийн члачлалну здравоохранениялул министрстволул чулухасса куратор увклун шикку гьаз буллалисса масъалартту министрстволул хьхьичл гьаз булла ивклхьурча, 2016-ку шинал мартрая шихунай куратор учлайсса тагьар дакъар ва больницалун итадакьинсса арцул 41 процентгу къаитабавкьуну ва личлайсса бувсуна больницалул хирург Кь, Щамхаловлулгу,

Хьуна дакълакьисса ди ял да къ а ш и в у р д а я , захилатшивурттая бувсуна цала ихтилатирттаву хлакинтал : Гь, Щамхаловлул, К.Абакаровлул ва цайминнал,

Муниципальный районналул буржру биттур булла лима Ш.Р. Рамазанов, больницалул хьунма хлакин С.С. Сулаймановлушчал ялтту увкуна больницалул отделениеардал, палатардал ва амбулаторно-хозяйственный помещениардал тагьар ххал дулла.

Районналул администрациялул

## Ххувшаврил кьинилун хас дурну

Муниципальный районналул администрациялул 2018-ку шинал апрелланул 9-нний къамул бунни хлукму районалий «1941-1945-ку шиннардий Буттал кланттул цланийсса хьунмасса дяввилюву Ххувшаву ларсусса кьинилун» хас дурсса шадлугь ру районалий тлайла дуккаврин хас бувсса.

1941-1945-ку шиннардий Буттал кланттул цланийсса Хьунмасса дяввилюву ларсусса ххувшаврил кьинилун хас дурсса шадлугьру тлайла дуккаву мурадрай районалий дуллалисса давурттал хлакьираву муниципальный районналул администрациялул къамул бунни хасъсса хлукму.

Хлукмулуву цлакь бунни хасъсса комиссия Буттал кланттул цланийсса Хьунмасса дяввилюву ларсусса Ххувшаврин 73 шин шаву лайкьну хьуна дакъавриха зунсса.

Цлакь дунни дуллансса давурттал хасъсса план.

Буржлул бунни гьарца шярваллаву тлайла дуккан «Ххувшаврил кьини-9 майрал 73 шин шаврил» шадлугьру.

Кланттул администрациярдал баклчитал буржлул бунни Ххувшаврил кьини цачлара клици лагаврин хас дурсса плану сакин дуван.

Муниципальный районналул баклчинал резервный фондрава кумаг буван дяввилия махь ливтлусса ва дяввилия зана къавхьуминнал шахьаннин.

Районналул газета «Чаннацукуй» чичлан Ххувшаврил кьинилун хас дурну дуллалисса давурттая.

Шала районналул аьмсса Ххувшаврил Кьинилун хас дурсса шадлугь дуван майрал 8-нний Ваччав СССР-данул клийла Виричу Ахлмадхан Султаннул гьайкал ланучла.

Образованиялул управления, МБУ КМР КДЦ, МКУ «Молодежный центр» кланттул поселениардал баклчитурал районналул дуккаврин идарардал каялул читурашчал сакин дуван «Вахта памяти» гьарца дяввилия зана къавхьуминнансса гьайкалчла тлутлал шалкьригу бивхьуну.

## Аьралуннаву кьуллугь буллан

Дайдирхьунни аьралуннаву кьуллугь буллан жагьилтал буцлансса Ккуллал ва Лакрал районналул военкоматрал комиссиялул даву.

Августрал 10-нний комиссиялул даву дайди хьин хьхьичл призывниктурашчал хьусса хьунабакъав-

рий призывной комиссиялул председатель муниципальный районналул баклчи Ш.Р.Рамазановлул клици лавгунни Аьрасатнал Аьралуннал Гужирдаву кьуллугь буван лагаву сийлисса бувшиву жула районналул жагьилтуран. Районалия (Ахир 4-мур лаж.)

## Цлу дагъаврия бурувччуну биклан



«Цлу лещан даврия, цлу дагьан кьаритан бигъассар» тлун биклай хьанакьисса пожардая ихтилат нанисса члумал. Цлу дагьан кьаритангу аьркинну биклай муданнагу бучин баврил даву дачин дан, личллушиву дуну биклан, мюхчанну биклан. Ми

тлалавшиннардуну къадуруч лаччисса члумаллив, цлу дагьну хьусса пожар лещан дувангу бигьану къаби клай, бивсса зараллугу чансса къашай, Мукунсса ишругу жула оьрмулуву чансса къашай, Уттигьанну Кемерово шагьрулий машлул центр «Зимняя

вишня» хьусса пожарданияну хьинну кьурчлисса ишму центр ччувччун лагаву дакъассагу, хьинну члявусса инсантал, хаснува оьрчлру оьрмулуца хьунни. Мукунсса ишру билаятрай цайми-цаймигу тикрал хьанайма бур, Жула районалийгу тактану бухьурчагу хьанайма бур цлу дагъаврияну хьусса ишру. Хлакьинусса кьинигу мунил барашиннакунна дур Ваччав багьу-бизулул комбинат бивклсса кланай ччувччуну хьусса эяллал, Райцентр-даниян пожарный частьрал чларав хьусса пожар духьурчагу, миккусса пожарный частьрал машина бавкьуну бакъашиврийн бувну, пожар лещан дан къахьанай леххаврий Гьумуча бучлан бувсса пожарный машиналикчин лещан дан багьуна. Укунсса ва ванияр ялттусса ишру тикрал къахьанан муданмагу хладурну биклан аьркинни (Ахир 2-мур лаж.)





### Аьралуннаву къуллугъ буллан

(Дайдихъу 1-мур лаж.) къуллугъ буллан т1айла бувксса жагьилтурал мудан лайкъну ва махъминнан эбратранну бувайр аьралуннаву буллалисса къуллугъ. Тутул вихшала дур, увкун Ш.Р.Рамазановлул, гьашину аьралуннаву къуллугъ буллан т1айла бувксса жагьилтуралгу, хьхьич1унну, жуярва хьхьич1миннал кунма лайкъну, барчаллагьранну къуллугъ булланшиврий. Военком Х1.Масуев-пулгу цала ихтилаграву був-

суна гьашину республикалия 1350 жагьил къуллугъ буллан уцлай бушиву. Жула районналия уцинт1ий ур 15 жагьил. Хьхьич1 буцинт1ий бур оьрмулул шинну гьарзамий призвниктал. Ми бакъассагу военночетый касму дусса 35 призвникгу уцинт1ий ур контракт чирчуну. Ва къини х1акинтал комиссия буллаий бия гьарцагу жагьилнал ц1уллу-сагъшиву хьирив лавну ххал дигълай.

### Нигъач1аву дакъасса нигъ

Апрель зурул8-нний Ч1айннал дянивмур дара жулул школалий, ларайсса даражалий т1айла дурккунни Ккулал районналийсса 4-7 классирттал дянивсса дуклакки оьрч1ашалсса, миннан машина ххуллурдай занакъулу шаву цукунсса даражалий к1улну дурив ххал бигълагьисса, «Нигъач1аву дакъасса нигъ», - ц1анилусса бьест-ччаллисса т1урк1урду. Му бьест-ччаллийсса ххал бигъаврил мурадгу бия дуклакки оьрч1ал дянив машина ххуллурдай бала-апат1ру чан шаву мурадрайсса, миннан микку занакъулу хьун лахъхъаву мурадрай. Шкогалулул майданни к1яласса шарду, кругру, дурну хьхьич1 къинива х1адур хьуну бия. Му бьест-ччаллий гьурттун хьун бувк1ун бия Хъусрациял, Ккулал СОШ-1, Ккулал СОШ-2, Вачциял, Ч1айннал, Ц1ий-шиял, 2-мур Ц1увк1уллал, Хъювхъиял школардал дуклакки оьрч1ру, цала учительтуращал. Ца-ца командалувун бухлай бия к1ия оьрч1 ва к1ива душ. Бьест-ччаллил х1асилу ххал дуллалисса жюри лувун бухлай бия; 1.Х1аммак1уева Альбина-председатель 2. Х1усайнов Юсуп-заместитель председатель 3.Ах1мадов Нурагтин- УО-лул зузала 4.Кубатаев Аьли ЦРБ-лул х1акин 5. Камил РОВД-лул зузала ГИБДД член. Дуклакки оьрч1ал бьест-ччаллу най бия вело-

сипедиртгай,. Аьркинну бия: 1. С т а н ц и я - 1 . Велосипедрай ккаккан бувсса ххуллаву фигурное вождение дуван, ххуттава къаливчун. Му т1урк1улуву цалчинса к1ану бувгьуна вачциял шкогалулул командалул. К1илчинмур к1ану Ккулал СОШ-1 Шамулчинмур к1ану Ч1айннал шкогалулул командалул. К1илчинсса т1урк1урду «ПРАВИЛА дорожного движения» к1улшиву ххал дуллалисса-му т1урк1улуву цалчинсса к1ану бувгьуна Ч1айннал шкогалулул командалул.К1илчинмур к1ану Хъусрациял шкогалулул командалул. Шамулчинмур к1ану 2-мур Цувк1уллал шкогалулул командалул. 3Станция-3. Шамилчинсса т1урк1уллул бьест-ччал бия бала-апат1 хьусса ч1умал цалчинсса чара бакъасса медициналул кумаг буван к1улшиврул даража ххал дигълагьисса. Му т1урк1улуву ЦРБ-лул врач терапевт Кубатаев Аьлил цинявпапу командалулул лахъсса баллу бившуна. Ахирданигу жюрилул дурсса жямрайн бувну цалчинсса к1ану буллауна Ч1айннал шкогалулул командалулул, учитель Рамазанов Аслан. к1илчинсса к1ану буллауна Вачциял шкогалулул командалулул. Шамилчинсса к1ану Ккулал СОШ-1. командалулул. Бьест-ччаллийсса т1урк1урду низамрай ва ларайсса даражалий ларгуна ва цинявпапу рязину ливч1уна . **А. Аьбдуллаев**

### К1уруххъал Х1асан дак1нин утлай

## Шээрнал гъай увкусса «хъуруннил маршри»

Лакрал зунттавусса шяраваллу циняв дирхьуну дур мурзусса бак1лахъия ласун къашайсса щамарал, хьархъаллал аьрщарай. Ч1ярусса шиннардил хьхьич1 ттун телевизор данивух буллалисса ихтилатравух Валентин Распутин т1исса оьруснал чичул зумату бавссар «Кавказнаву Сибиринаву кунна дакъа аьрщарал чулиннайсса «ччаву» чансса дик1ан бюхъайссар», - т1исса калима. Бунияла ва чичу тач1ав Кавказнаву к1аувк1иву ч1алай бия. 1930-ку шиннардил дьазанни Дагъусттаннайн увк1исса Николай Вавилов т1исса оьруснал академик карамат увну ивк1иссар зунттавусса лах1унттай дурсса хъуруннил. Циван учирча гай хъуру дувангу, гикка бак1лахъия дуч1ан дувангу хьинну зах1мат бивхьуну бакъа къахъанай бивк1ун т1ий.Га даву ганал х1исав дурну дирк1иссар милларал аьрщарал хьхьич1 дурсса виричушиврун. Тутула х1акьинусса ихтилат гъай-гъай на бах1лай ура жула х1акъсса шээрнал, дук1у, 2017-ку шиннал апрель зурул 28-нний жула дянива лавгун, цала чичруду дялич1ин дурсса Х1асан К1уруховлул къадарданушчал. Х1асаннулгу гъай увкуссар цалами хъуруннал маршри. Шээртал бик1ай ганзсса Александр Дюмал романнал ганзшиврийсса луттирду итабакълакьиссагу, ца-к1ива шеьрилийну буккултрал дак1ру гьулу сан дуллалиссагу. Вай к1илчинмий шээртурава сса ия Х1асан. Шеьри чичинна т1ий чичин къашайссарт1ар га дак1нихри т1ар чичайсса. Шээртал ч1явусса къабик1айссар. Вайннащал дус хьун, к1ул хьун ччимирич ч1явусса бик1ай. Амма ганал «дунияллул» т1алавшиннарду биттур дуван къахъанан бик1айхту, арх буцай. Х1асаннул шеьри

ду ккалаккиминнан х1исав хьуссар гайннул т1имур, ккаккан дуллалимур бак1равун духханшиврул ккалаккиманан чанкъанссарагу шээрнанач1ан гъансса к1улшивугу дик1ан багълай бушиву. Ялагу учай: «Шеьрирдал мяъна дурч1ин къадайссар», - куну. Бюхъай ва буккултран ваца шээрнал шеьрирду бигъану чивчунни кунма ч1алай бивк1ун бик1ангу. Х1асаннул ч1ярусса творчествалул «зах1мат шивуртту» махъ къадит лайри жуч1анма х1адурсса шеьрирду бивсса. Оьруснал хъунасса шээр Борис Пастернаклул цува шеьриятрал ххуллин уклакинива буссар «шавхъсса» шеьрирду чивчуну. Ва дунияллул шээртураву хьинну лахъсса ц1анин лайкьсса шээр ивк1иссар.Нобеллул премиялунгума шээр х1исаврай ца ришлай бивк1иссар. Оьрмулуву гьарца затрал лащанбавурттайну х1исавравун ласайсса аьдат дур. Жула шээрналгу цалчин мур шеьри чивчунни махъ ч1алан бивуна ва цала «маршлуйсса хъу» гъай т1ий айихълай ушиву. Тутун мах1атталгума бизлан бик1айва укун айихъулийва «бунияласса» шеьрирду чичин бюхъайсса шеэрнан ссан аьркинну бивк1иссар Москваливсса Литературал Институт къуртал буван? На Х1асаннухъхьун мукунсса суал буллусса ч1умал ванал дуллауна жаваб: «Литературалул институтраву шеьрирду чичин лахъхьин къабайссарча, гай цукун къачичин аьркинссарив лахъхьин байссар» - куну. Литература ахттар дуллалисса инсантал чичлай бур литературалува, зузисса инсаннал къаланналула дуклакмур цичулий пикри барчагу га цува яхъанахъисса к1антурдащал дарх1уну дик1айшиву. Х1асаннулмур творчествату дарх1уну дур Лакку билаятращал, ванил т1абиаьтращал, тарихращал, инсантуращал, къаттакъушлищал.

К1иц1 дурминни чичлачимургу ванал хьинну гъазсса шеьриятрал лах1унттуйн гъаз дурну дур.Гъай-гъай жунма муданмагу ччан бик1ай жуятура ц1арду дуллай, ххуйшиврия, ххаллилшиврия, чумартшиврия. Амма шеьрият му лагма миннан т1ааьнмур бакъагу инсаннал дак1нил жагъжилшивурттая бусласисса ищри. Учин мукъун жагъжигъ къашайсса инсанни дунияллийвагу къаик1ай хьунссар. Ца ч1умал ттун табасараннал милларатрал шээр Айдын Ханмах1амма довлул зумату бавссар: «Литературалухун агъан ччиманан ац1илчинмур клас сраву дуклакисса оьрч1ан к1улмунир азарила гьарта сса к1улшиву дик1ан багъла гьиссар», - т1исса калима. Буч1ия вай махъру ишла буван К1уруххъал Х1асаннул чулинмайгу. Шеьриятрал дуниял му мукъурттийнуну дуниял дакъар.Улу жунма к1улну бур ахирзаман ва алжан цукунсса бик1анссарив. Амма уттигу инсаннаща к1ул буван бювхьуну бакъар шеьри хьуннав, худо жествалул зумунусса цайми чичруду хьуннав чув цукун х1асул шайссарив. К1урухъал Х1асаннулмур шеьриятрал дуниялгу дия карамат сса, къюлт1исса, философиялул пикридавун хъап т1исса. На вих хъанан ик1ара тач1ав шеьри, хавар чичин къашайшиву чанссавагу Аллагънал пагъму къабуллусса инсаннаща. К1урухъал Х1асаннул Аллагънал буллусса пагъмулул хъаттирдай чивчуссар ванал ч1явумий шеьрирду. Ванищала арх1ал дия ванал хасиятраву курч1илшивугу. Цувагу вихну ик1айва ва иширайн. Ва курч1илшиву щайт1ан кунна ванал хъач1рай шядик1ай ливч1иссар жуч1анма къабивнува ванал ч1явусса пикрирду. Амма ванал къаланналила бувкмур яхьунт1иссар жула милларатрал шеьриятрал тарихраву. **Х1. Х1усайнов**

**Редакциялул адрес**  
368390, Республика Дагестан  
Ккулал район, ш.Ваччи  
**Издательнал адрес:**  
Республика Дагестан  
Ккулал район, ш.Ваччи

Газета регистрировать  
бувссар РФ-лул МТПР-лул  
Южное межрегиональное  
управлениялул.  
Регистрациялул номер  
ПИ № 10-4202

**Хъунама редактор**  
**А.И. Къянчиев**

Газета бавт1уссар «Чаннац1уку»  
газетрал редакциялул компьютердай,  
бившуссар ГАУРД «Издательский дом  
«ДАГЕСТАН». Типографиялул адрес:  
367018. Мах1ачкъала, пр.  
Насрутдинова 61,

**12+** Буккайссар ножмардий цал,  
Индекс: 51317  
тираж 657 экз. Газета итаба-  
къин къулбас дайсса ч1ун 17. 00,  
къулбас дурсса ч1ун 16. 00  
**gazetazvezda0@mail.ru**